

পালকের নীলে

আকাশ গম্ভব্য ভেবে ডানামেলে
সাধ ছিল ওড়বার , নীল পাখিটার
সে আকাশ অন্ধ ছিল, বোবা ছিল
ছিল ভাবলেশহীন ।
মেঘের দেয়ালে লিখে দিল লিখন ঈশ্বরকে-
'বর্ষার ঢলে সিক্ত কর আমাকে'
মেঘ গুলো জমে-জমে কালো মেঘ হলো
কালো মেঘ গুলো কানে-কানে
কি সব বল্ল যেন অন্য সব মেঘেদের
সরে গেল দলছুট ক্ষিপ্ত উড়ো মেঘ
আকাশ ফেরালো মুখ অন্য দিকে
আহত পাখিটা তাই উড়বার ছলে , মেখে দিলো তার পালকের নীল-
আকাশের নীলে